

Siunnersuut: Imigassaq pillugu Inatsisartut inatsisaat nr. xx, xx. xxx 2018-imeersoq

(Peqqissutsimut Naalakkersuisoq)

Akissuteqaat**Aappassaaneerinninneq**

Ilaqutariinnermut Peqqissutsimullu Ataatsimiititaliap isumaliutissiissummik tunniunneqartumik suliaqarneranut Naalakkersuisut qujapput.

Ilaqutariinnermut Peqqissutsimullu Ataatsimiititaliap isumaliutissiissutaat Naalakkersuisunit tusaatissatut tiguneqarput, ataatsimilli naleqqussaasoqarpoq. Ataatsimiititaliap kissaatigaa ammasarfinnut tunngatillugu nunaqarfinni pisiniarfiit ammasarfii immikkut ittut maleruarneqarsinnaassasut. Taamaattumik Naalakkersuisut siunnersuutigaat imigassanik aalakoornartortalinnik tuniniaasarnermut ammasarfiit illoqarfinnut nunaqarfinnullu immikkoortinneqassasut.

Oqaatigilaassavara inatsisissamut siunnersuutip qulequtaa 2018-imi akuerineqartussatut allaqqasoq Naalakkersuisunit paasineqarmat. Inatsisissatut siunnersuut UKA 2017-imi akuerineqartussaammatt maanna inatsisissatut siunnersuutip qulequtaa aaqinneqarpoq.

Naalakkersuisut siunnersuummik matuminnga suliaqarnerup naammassinnginnerani siunnersuutip kalaallisuuani taaguutit oqaatsillu atorneqartut misissorneqarnissaat pitsaassusaasalu qulakkeerneqarnissaat sulissutigissavaat.

Taamatut oqaaseqaateqarlutik Naalakkersuisut siunnersuut allannguutissatut siunnersuutip imarisaanik allannguuteqartumik inaarutaasumik akuersissutigineqartussanngorlugu pingajussaaneerneqartussatut inassutigaat.